



SAKSPAPIR

Saksnr	Utval	Type	Dato
13/2022	Eldrerådet	PS	21.06.2022

Sakshandsamar	Arkiv	ArkivsakID
Solrun Hauglum	FE-033	18/772

BRUK AV TEKNOLOGI FOR TRYGGHEIT OG MEISTRING PÅ SJUKEHEIM - ORIENTERINGSSAK

Kommunedirektøren sitt framlegg til vedtak:

Eldrerådet tek saka til orientering.

Eldrerådet - Sak 13/2022

ELD - Behandling:

Avdelingsleiar Anne Kari Helle viste p.p.-presentasjon og orienterte om bruk av det nye og moderne pasientvarslingsanlegget på Vaksdal samt miljøterapeutisk bruk av musikkterapi og bruk av Mundu (musikk og bilete på nettbrett).

Det er svært gode erfaringar med pasientvarslingsanlegget som fører til auka trygghet for brukarane og betre bruk av personalressursar. Avdelinga kan visa til meir ro og mindre bruk av beroligande medikament i avdelingane særleg på nattestid.

Avdelinga har 3 lisensar på Mundu og har god erfaring med bruk av denne metoden. Brukarane får hjelp til å minnst og snakka om gode minne, og personalet vert betre kjend med brukarane og deira interesser og tidlegare liv.

Eldrerådet stillte spørsmål og rosa arbeidet som er gjort med pasientvarslingsanlegg og musikkterapeutiske metodar. Det vart stilt spørsmål om ein kunne skifta til denne typen pasientvarslingsanlegg på Dale også. Avdelingsleiar og kommunalsjef svara at anlegget vart skifta på Vaksdal fordi det gamle var i ferd med å svikta, m.a. kobla det ut kvar gong det var lyn, noko som førde til store vanskar sidan brannvarslinga var kobla til anlegget. Kommunen fekk midlar frå Husbanken til utskifte av anlegget og fekk samstundes også installert nødstraumaggregat. Bruk av Mundu er mest aktuelt på dementavdelingar, og dei er plasserte på Vaksdal. Men også på andre avdelingar kan metoden vera aktuell. Kompetanse og erfaringar frå Vaksdal kan nyttast dersom ein ønskjer å innføra metoden på Dale. Ein må vera merksam på kostnaden med lisensar.

ELD - Tilråding/Vedtak:

Eldrerådet tek saka til orientering.

Saksopplysningar:

Ressurssenteret på Vaksdal fekk installert og tok i bruk nytt moderne pasientvarslingsanlegg våren 2021. Det er god erfaring med anlegget. Det gir trygg og sikker varsling for bebuarane og nøyaktig lokalisering av hendingar slik at personalet raskt kan yta assistanse. Alle alarmer vert loggførte, og ein kan nytta digitalt tilsyn på natt så ein slepp å forstyrre bebuarane unødig.

Tilsette på Ressurssenteret har delteke på kompetanseheving innan demens og metodar nytta i miljøterapi, m.a. musikkterapi. Dei nyttar Mundu som er ein form for musikkterapi gjennom musikk og bilete på nettbrett. Pårørande sender bilete og kjem med forslag til musikk som kan nyttast, og nesten alle bebuarane på avdelinga har sine egne spelelister på Spotify. Musikk vert brukt mykje for å skapa ro og trivsel på avdelinga, både inne på bebuarrom og i fellesareal.

Avdelingsleiar Anne Kari Helle vil orientera om pasientvarslingsanlegg og bruk av Mundu i møtet.